



職方典第一千四百七卷

柳州府部彙考一

柳州府建置沿革考

通志

本府

秦桂林郡地屬鬱林郡三國吳復屬桂林郡置馬平郡梁大同中兼龍州治龍江隋開皇中廢郡徙州治江北尋廢以馬平縣置象州大業初州廢以其地屬始安郡唐置昆州治馬平縣尋改南昆州貞觀八年始改柳州謂地當柳星云天寶初改龍城郡乾元初復爲柳州光化後爲楚馬氏所據五代時屬南漢宋仍爲柳州咸淳初徙治柳城之龍江元至元中改置柳州路明改柳州府

皇清因之

馬平縣

本漢潭中縣地屬鬱林郡三國吳置馬平縣隋屬象州大業初州廢以縣屬始安郡唐屬昆州

後爲柳州治宋元明仍舊

皇清因之編戶七里

雒容縣

本漢潭中縣地唐貞觀中置雒容縣屬柳州宋嘉祐中省象縣入焉元明仍舊

皇清因之編戶五里

羅城縣

本桂林之珽州峒地宋開寶中置羅城縣熙寧中省入融水縣明洪武初復置縣屬融州十年

州廢改今屬

皇清因之編戶十一里

柳城縣

本漢潭中縣地梁置龍城縣隋初屬桂州後屬始安郡唐初以縣置龍州貞觀間州廢以縣屬

柳州宋景德中改爲柳城縣治龍江元移置龍江東明仍舊

皇清因之編戶二十里

懷遠縣

本牂牁夜郎之境宋至和中置三江寨崇寧間於寨置懷寧軍尋改平州及置懷遠縣政和初州縣俱廢宣和初復置州紹興中州廢復置縣屬融州元仍舊明洪武十年縣廢置三江鎮巡檢司十四年復置縣改今屬

皇清因之編戶十五里

融縣

本漢潭中縣南齊改齊熙縣又置齊熙郡梁兼置東寧州隋廢郡改爲融州又改縣曰義熙大業初州廢以縣屬始安郡唐復置融州又改縣曰融水爲州治天寶初改州爲融水郡乾元初復爲融州宋置清遠軍節度元改置融州路尋改爲州明改爲縣以融水縣省入

皇清因之編戶七十里

來賓縣

古今圖書集成

方輿彙編職方典第一千四百七卷柳州府部彙考一柳州府建

本秦桂林郡唐乾封間置巖州領來賓循德歸化三縣宋廢州省歸化二縣入來賓隸象州元明仍舊

皇清因之編戶九里

象州

本秦桂林郡地漢爲鬱林郡中溜潭中二縣地陳置象州治馬平大業中廢州別置象縣屬始安郡唐復置象州治陽壽縣天寶初改爲象郡乾元初復爲象州元改置象州路後復爲州明以陽壽縣省入爲州隸柳州府

皇清因之編戶十一里

武宣縣

本隋始安郡之桂林縣地唐析置武僊縣屬象州乾封初省桂林縣入焉宋元仍舊明改爲武

宣縣

皇清因之編戶六里

賓州

本秦桂林郡地漢置嶺方縣屬鬱林郡吳改臨浦縣梁於縣置嶺方郡隋初廢郡以縣屬尹州後屬鬱林郡唐初屬南方州貞觀間析置賓州治嶺方縣天寶初改安城郡後改嶺方郡乾元初復爲賓州宋開寶間州廢尋復置元改置賓州路後復爲州明仍舊

皇清因之編戶十八里

遷江縣

本唐邕州地大曆間置思剛州屬邕州都督府宋天禧中改爲遷江縣隸賓州元明仍舊

皇清因之編戶二里

上林縣

本嶺方縣地唐初置上林縣屬邕州宋改屬賓州元明仍舊

皇清因之編戶八里按明一統志上林本嶺方縣地唐初析置上林縣及南方州貞觀初改澄州仍治上林宋初州廢以上林縣屬融州尋改屬賓州元明仍舊

柳州府疆域考

府志

本府

東至桂林府脩仁縣界二百三十里

西至慶遠府天河縣界二百五十里

南至南寧

府宣化縣界四百里

北至桂林府永寧州界一百五十里

自府治至

京師七千七百三十二里

馬平縣

東距雒容界二十里

南距來賓界八十里

西距宜山界一百五十里

北距柳城

界二十里

雒容縣

東去城十里至大汾塘十里至桐木塘十里至永福縣界

西去城十里至新鋪塘十里至

高嶺塘十里至三門塘過三門江則馬平地界

南去城十里至南廂十里至白浪十里至

桂灘十里至盧灣十里至江口馬平地界俱係舟楫往來設有塘兵防汛

北俱層山疊嶂

不通官路

羅城縣

東北距融縣界七十里

東南距柳城界五十里

西距天河四十里

西南距宜山

八十里

北至本縣通道鎮一百五十里山路險峻與貴州黎平府交界縣境山多田少地

瘠民貧

柳城縣

東南抵柳郡界六十里

北抵融縣界一百四十里

西北抵羅城界一百三十里

西抵慶遠府界一百三十里

廣闊約三百餘里

懷遠縣

在府北三百一十餘里

東界湖廣綏寧

西界貴州黎平

南界融縣

北界湖

廣通道

融縣

東至永寧 南至柳城 西至羅城 北至懷遠 東門近河上通懷遠下通柳城

四面高山峻嶺道路崎嶇民種雜處原建立哨官及十三堡目彈壓防禦

來賓縣

四面層山地惟豐草與馬平遷江武宣貴縣連界

象州

地界脩仁馬平武宣雜容等縣 東南環山 西北臨河疊嶺層嶂一望童禿

武宣縣

東界武靖 南界貴縣 西界來賓 北界象州其上里地方與茅狼新慶接壤嘗渡

河據掠鄉村古雖設有安永鎮然巡司駐縣不能彈壓後立崖頭堡以鄉兵禦之

賓州

東至古耕墟永淳縣界四十里 西至巷賢鄉上林縣界四十里 西南至思隴驛上林

縣界六十里 南至社流山宣化縣界五十里 西北至鄒墟遷江縣界四十里 東

北至安城鄉梁村墟貴縣界一百二十里

遷江縣

與賓州上林來賓貴縣接壤地窄民稀上下二里悉係獠猺獞三種雜居錯處下里山坡頗平坦民亦淳上里山多田少層巒疊嶂叢木茂林民每依山爲勢刁頑難馴

上林縣

東距賓州七十里馬鞍山分界

西距思恩府一百五十里大明山分界

南距南寧府

二百五十里崑崙關分界

北距遷江縣一百二十里新城分界

東北古設南丹衛思

田參將衙門內有六營外有八堡

皇清改爲三里守備又有古蓬思吉周安三鎮土舍至羅脈渡高陽站慶遠府分界

形勝附

本府

馬平縣附郭

圖經地近桂林俗號無瘴且山水清曠

寶宇記山石奇秀平地忽崛起數百阜曲郭杜蓋無之

虞衡志鎮壓諸蠻安靜邊境山有靈巖洞有真仙不下桂林

象郡志嶺西以南連屬桂林外接交豈控扼番洞往來要衝

象郡志象古名郡跨三邑之對當牂牁龍江之沿流封疆不啻千里

新井志居嶺嶠之表接蠻貊之疆

元志西接建武北距慶遠欽象橫貫皆擬其境在越略爲都會 翼軫區分越略都會山名

駕鶴又有鵝山水泛柳江更傳靈壽 西南二山路險管密東北二面稍平坦山多田少頗

稱險阻

雒容縣

地本潭中別名神女考形稽勝無足紀載

羅城縣

古稱融水槃瓠遺壤形與勝無稽焉

柳城縣

地接越路獐蠻荒徼古號龍州今傳鸞潭

懷遠縣

夜郎邊境西粵要地

融縣

古號潭州僻處邊荒

來賓縣

葭爾微區無所爲形勝者

象州

荊州西南荒服外地山谷高深叢林險隘

武宣縣

負山阻險以成形仙巖大河以標勝

賓州

古地嶺方山川環繞

遷江縣

猺獞土壤山林阻深

上林縣

縣治叢山環抱江流南北潏洄

柳州府星野考

府志

府總

柳州府古百粵地天文翼軫荆之分野鶡尾之次於辰在巳

柳州府山川考一

府志

本府

馬平縣附郭

僊奕山在天馬山麓有覆石杵可奕旁有仙跡按明一統志在府城南山上有穴穴有屏有室

有宇始登者得石枰於上其石黑肌而赤脉十有八道可奕因名

立魚山在龍潭上玲瓏

虛透內多名人題詠按縣志江之南與仙奕山對深邃奇怪內有三洞相通山腰有魚峯寺按

明一統志在府城西南山小而高形如立魚

駕鶴山舊有駕鶴書院今燬按明一統志在

府城東南旁臨大江聳立如鶴古州治負此

鵲山按縣志在城北

鵲山對江山半有

二水噴出宛如雙鵲按通志有義水出焉又名深義山按明一統志在府城西山巔有石如鵲

唐柳宗元詩荒山秋日午獨上意悠悠如何望鄉處西北是融州

東臺山按縣志在城東

隔江

天山按縣志水南山後壁有天山萬里四字

獨靜山按縣志在城東山腰有厂

可居

龍壁山油榨村對岸按明一統志在府城東北一十五里有石壁峭立下臨灘宋

陶弼詩曾看柳侯山水記信知龍壁好烟霞

鳳凰山按縣志在城西南隅隔江

文筆

峯按縣志在城西隔江一都地界

屏山按明一統志在府城南二里其形方正類屏宋陶

弼詩一峯高起塞天關堪作皇家外屏山可惜化工安著遠半遮中國半遮蠻

四姥山按

明一統志在府城西五里其山四面對峙故名

新洞山按明一統志在府城西南一十里

與鵝山相望有洞可坐百人石乳融結有穴上見天其山石以杖觸之如鐘鼓聲 夾道雙

山按明一統志在府城北一十里東山曰桃竹西山曰雀兒 甌山按明一統志在龍壁山

南廣百尋高五丈下上若一絕水無麓 銅鼓嶺按通志在府城東 相臺嶺按通志在

府城東北 走馬嶺按通志在城西綿亘二十餘里又一峯特起名曰金山 柳江一水

自古泥出一水自慶遠府出經柳城縣合流至郡入於海按明一統志在府城南門外一名潯

水源出懷遠縣流經象州歷潯藤至廣州界入於海唐柳宗元詩柳州柳刺史種柳柳江邊談

笑爲故事推移成昔年垂陰當覆地聳幹會參天好作思人樹漸無惠化偏 鵝江按縣志

出文筆山下會大江 大龍潭按縣志在立魚巖之南雷水出焉旱則祈雨於此有張忠簡

公釣臺羅象三龍隱洞 小龍潭潭水清碧游鱗尾尾按縣志在立魚巖下陸鴻漸茶經名

爲圓泉 飛瀑卽鵝山二水按縣志在鵝山後遠望宛若雙鵝飛 鵝鵝堆在縣學前按

縣志謠云鵝鵝堆鵝鵝起狀元歸 放生池對江有石壁俯出江面上鑄放生祝聖之池六

字 黃波水按通志在城西三十里入柳江 白蓮池按通志在北關外池有竅九泉出

其中 羅池按明一統志在府城東水可溉田有柳宗元祠名羅池廟 鵝水按明一統

志在府城西南四十里流入柳江 甘井按通志井有柳銘按明一統志在僊奕山下隨江

消長雖旱不涸

雒容縣

如來山在城西南六十里高聳百餘丈昔有神女出現故名頗稱勝地焉 雙童山按通志

在縣後 聚講山二山爲縣治風水所關按通志在上羅鄉 白象巖在城西南七里許

巖有石白如象形王世則常讀書於此按明一統志在縣南一百里上有兩字如篆不可識有

石如象又有石鼓石鐘擊之鏗然昔張鑑王之才王鐸嘗讀書於此 屏石山按通志在舊

縣西北十里有泉 雞跖山按通志在洛斗鄉 平頭山按通志在托定鄉 會僊巖

按通志在縣南五里有潭 白龍巖按明一統志在縣東二十里中有小佛羅漢像上有龍

頭形歲旱鄉人於此禱雨 思微山按明一統志縣治北頂有泉穴四時不涸 隱巖按

縣志巖內有小龍潭潭面掛藤如曬麪線 洛崖巖按縣志距縣四十里在融江河邊

狗頭寨按縣志在北鄉村形似狗頭頂下有峒可容千人

馬鞍寨按縣志在北鄉峒村山

形似馬鞍

穿龍寨按縣志在東鄉北和里

洛青江按明一統志在縣西一百二十里

源自桂林府流至縣界入於柳江

三門江按通志在洛清鄉

龍鼻江按通志在舊縣

西十五里

羅城縣

鳳凰山按縣志在城北山之半有巖內塑佛像路徑陡峻稱爲曠觀山麓多建古寺石壁峭立

如屏古稱爲丹鳳銜書四景之一

直滿山在縣東北二里許山峯矗立聳出羣山之表縣

治龍脈發源於此

馬山在縣南十里平地聳立羣山圍繞其形如馬新建學宮方向取此

硯山在縣西里許卓立端正方平如硯從旁小山如水注後山環列如筆架故名

青陵山

按縣志在縣山勢綿亙達通黔楚僊人多寄跡於此古稱土人入山採笋迷徑遇一老人坐桃

樹下老人摘寶啖啖歸已旬餘自此身輕神健復往不識所在

黃泥巖按縣志在直滿山

半高聳攀援而上俯闕不啻百尺有兩層上塑佛像巖口宏敞內深邃涼氣逼人夏可避暑值